



बक्ख-बक्ख खेड्डे लेई इंडोर कोर्ट बी शामिल न। एल.जी होंरें आखेआ कि प्रधानमंत्री नरेन्द्र मोदी हुंदे नेतृत्व च जम्मू-कश्मीर दे हर क्षेत्र दे बाद्दे विकास बक्खी चेचा ध्यान दिता जा'रदा ऐ ते दूर-दरेडे इलाके च बी भलेआ हेठली सतह पर बी मयारी खेड्ड सुविधां ते ढांचा उपलब्ध कराया जा'रदा ऐ। उ'नें इस मौके वर्चुअल ढंगे नै अखनूर ते मढ़ दे नौजवाने कन्नै गल्लबात बी कीती।

<><><><><><>

CM -NCEITEET

मुख्यमंत्री उमर अब्दुल्ला होंरें कल जम्मू दे सरकारी इंजीनियरिंग कालेज च इंजीनियरिंग दे क्षेत्र च नमिं काहड्डे ते रुझाने बारे 11में राष्ट्रीय सम्मेलन ते नमैश दा उदघाटन कीता- जेहदा सरिस्ता नौजवाने- टकोहदा करिये इंजीनियरिंग दे विद्यार्थिये च नमिं तकनीके- नमिं काहड्डे प्रति दिलचस्पी ते जानकारी बधाने दे कन्नो-कन्नी उने'गी अपने सांस्कृतिक विरसे कन्नै बी जोड़ना ऐ तां जे समाज च नमीं टेक्नॉलोजी ते नमिं काहडे पर आधारित विकास गी प्रोत्साहन दिता जाई सकै। दंऊ दिनें दे इस आयोजन दा सरिस्ता सरकारी इंजीनियरिंग ते टेक्नोलॉजी कालेज जम्मू आसेआ IIT खडगपुर कन्नै रलिये युनिवर्सिटिये दे वैश्विक संघ W.C.U दे सहयोग कन्नै कीता गेदा ऐ। सम्मेलन दे विशेसार गी उजागर करदे होई मुख्यमंत्री होंरें इसी बड़ा विचारशील ते मजूदा समय दिं जरुरतें दे मुजब करार दिता जेहदे च नमिं उभरा'रदिये तकनीके गी चेचे तौरा पर शामिल कीता गेदा ऐ जियां जे आर्टिफीशल इंटेलिजेंस ते मशीने दी मदद कन्नै सिक्खना- मगरा मीडिया आहले कन्नै गल्ल करदे होई मुख्यमंत्री होंरें आखेआ.

<><><><><><>

CM-Army officers

फौज दी 15 कोर दे GoC लैफ्टिनेंट जनरल प्रशांत श्रीवास्तव ते नमें चुने गेदे GoC लैफ्टिनेंट जनरल बलबीर सिंह होर कल मुखमंत्री उमर अब्दुल्ला हुंदे नै मिले ते सांझे हितें दे केंई विषें पर बिचार-बटांदरा कीता- जिंदे च मजूदा सुरक्षा हालात ते क्षेत्र दियां विकास तरजियां शामिल रेइयां। उन्दे इलावा इक बक्खरा शिष्टमंडल बी कल उमर अब्दुल्ला होरें गी मिलेआ- जेहड़ा पारस हैल्थ केयर लिमिटेड थमां आए दा हा ते जिन्नै जम्मू-कश्मीर च सेहत दिक्खभाल सेवाएं सरबंधि विषें पर गल्लबात कीती।

<><><><><><>

Nasha Nigrani Samiti

जिला मैजिस्ट्रेट जम्मू डाक्टर राकेश मिन्हास होरें जम्मू जिले दे सब्बनें ग्राएं ते वार्ड लेई ग्रां ते वार्ड स्तह दी नशीले पदार्थें दी निगरानी सरबंधी कमेटिएं दे गठन दे हुकम दिते न। एह पैहलकदमी लैफ्टिनेंट गवर्नर हुंदे 100 दिनें दे नशीले पदार्थें खलाफ अभियान दा गै इक हिस्सा ऐ। मकामी बसनीकें दी शमूलियत आली एह कमेटियां- समुदाय आसेया संचालित निगरानी ते Referral निकाएं दे रुपै कम्म करडन। जियां जे पता लाना ते निगरानी- प्रभावत परोआर दी मदद- रोकथाम ते जागरुकता ते हफते-हफते रिपोर्टिंग- हर कमेटी प्रतिबंधित नशीले पदार्थें दी बिक्री गी रोकने- एहदा गलत इस्तमाल करा”रदे लोकें दी पंछान करने ते इक गोपनीय “ग्रां रजिस्टर” बनाई रखने लेई कम्म करोग।

<><><><><><>

Dar Veterinarians

जम्मू-कश्मीर वेटनरी डाक्टरें दी एसोसिएशन नै कल जम्मू दे कंवेशन सैन्टर च इक रोजा सम्मेलन दा आयोजन कीता- जेहदा विषेसार हा- “पशु चिकित्सक”। खुराक ते सेहत दे संरक्षण - राई बाई मंत्री जावेद अहमद डार होरें इस कार्यक्रम च मुख परौहने दे तौरा पर हिस्सा लैता। मंत्री होरें जनौरें दी सेहत दी हिफाजत च इनें डाक्टरें दी महत्वपूर्ण भूमिका पर लौस पाई। उ’नें इस गल्लै पर जोर दिता जे पशु-चिकित्सा सरबंधी पेशेवर- बक्ख बक्ख खेतरें च महत्वपूर्ण सेवा उपलब्ध करोआंदे न- जिंदे च Field Operation- Form Clinicकां- लैबोरेट्रियां ते Aquaculture शामिल न- जेहदे कन्नै डंगरें दी भलाई-बेहतरी यकीनी हुंदी ऐ। मंत्री होरें आखेआ जे खाद्य उत्पादन च सुधार ते करसानें दी औंदन बधाने लेई सेहतमंद ते उत्पादक पशुधन महत्वपूर्ण हुंदे न।

<><><><><><><>

Mehraj-PSA Quashed

इक महत्वपूर्ण फैसला सनांदे होई जम्मू-कश्मीर ते लद्दाख हाई कोर्ट नै कल आम आदमी पार्टी दे डोडा थमां विधायक मेहराज दीन मलिक हुंदी जन सुरक्षा कन्नू PSA तैहत कीती गेदी हिरासतें गी रद्द करी दिता ऐ ते आखेआ ऐ जे छड़ा सरकारी अफसरें गी जेकर कुसै पर रें चढ़े- तां छड़ी इस बिनाह पर कुसै पर PSA लागू नैई कीता जाई सकदा ते नां गै इसी PSA लागू करने दा आधार बनाया जाई सकदा ऐ। जस्टिस मोहम्मद युसुफ वानी होरें इस सरबंधे च दाखल अर्जिएं दी सुनवाई करदे होई आखेआ कि आरोपी पर एह इल्जाम ऐ जे उन्नै सरकारी अफसरें दे कम्म करने च रुकावट पैदा कीती- पर इस गल्लै दा कोई सबूत नैई ऐ जे एहदे नै जनता च कुसै चाल्ली दी सार्वजनिक गड़बड़ी जा समाजी अस्थिरता जनेई कोई स्थिति पैदा होई

होग। मेहराज मलिक हुंदे परा PSA हटाने दे फैसले पर उन्दे कनूनी प्रतिनधि एडवोकेट अप्पू सिंह नै आखेआ.

<><><><><><>

Prog. Announcement

आकाशवाणी जम्मू दे प्रादेशिक समाचर एकांश आसेया प्रधानमंत्री सूर्यघर मुफ्त बिजली योजना सरबंधै च- कल बुधवारें 30एं मिन्टें दा इक विशेष कार्यक्रम प्रसारित कीता जाहग- जेदा विषे होग- “सूरज दी तपश गी बचत च बदलो-घरें-घरें तोड़ी स्वच्छ ऊर्जा पुजनी लोड़चदी”. 29 अप्रैल गी दपैहरी साइडे 12 बजे प्रसारित होने आहले इस कार्यक्रम च स्हाड़े परोहने होगंन- Jammu Power Distribution Corporation Ltd दे Executive Engineer संजीव रोहमेत्रा- जेहड़े इस विशे पर अपने माहिराना विचार सांझे करगंन। इस कार्यक्रम दी मेजबानी साहड़े न्यूज एंकर विजय बजाज आसेया कीती जाग।

<><><><><><>

Rocketry Workshop

सेन्ट्रल युनिवर्सिटी जम्मू आसेया जम्मू-कश्मीर दी पैहली एडवांस एमेच्चोर रॉकेट्री कार्जशाला दी मेजबानी कीती गई। युनिवर्सिटी दे इलैक्ट्रानिक्स ते संचार इंजीनियरिंग ते एरोस्पेस ते इलैक्ट्रानिक्स सिस्टम सोसाइटी दी विद्यार्थी शाखा आसेआ आयोजित इस कार्जशाला च कोई डेढ़ सौ कोला मते विद्यार्थियें हिस्सा लैता- जिस दौरान युनिवर्सिटी दे मेन ग्राउंड थमां मती छमता आहले 30 रॉकेटें दा प्रक्षेपण बी कीता गया। इस मौके पर भारतीय अंतरिक्ष अनुसंधान संगठन इसरो आसेया मानता हासल माहिर बी मजूद रेह। इस कार्जशाला दा मकसद विद्यार्थियें गी कताबी पढ़ाई ते जानकारी दे इलावा अस्सल च रॉकेट विज्ञान ते रॉकेट प्रक्षेपण कन्नै रु-बरु

कराना हा। आकाशवाणी समाचार कन्ने गल्ल करदे होई युनिवर्सिटी च इलैक्ट्रानिक्स ते संचार इंजीनियरिंग विभाग दे अध्यक्ष राकेश कुमार झा होरें आखेआ.

<><><><><><>